

# সেচ্ছাসেবক হিসেবে নির্মল পালের সরকারী স্বীকৃতি মিলেছে

কর্ণফুলী রিপোর্ট

সিডনির বিশিষ্ট সমাজকর্মী নির্মল পাল এবার নিউ সাউথ ওয়েলস সরকার থেকে কমিউনিটির প্রতি তার নিরলস অবদানের স্বীকৃতি পেয়েছেন। রাজ্য সরকারের পক্ষ থেকে স্বীকৃতি স্বরূপ কমিউনিটি রিলেশন কমিশন (সি.আর.সি) তাকে একটি সনদ প্রদান করেছেন। [টোকা মারুন]

রাজ্য সরকার কর্তৃক বাছাইকৃত ও মনোনীত ২০০৯ সনের একজন সেচ্ছা সেবক হিসেবে নির্মল পালের এই স্বীকৃতি সত্যি গর্ব করার মত।

উল্লেখ্য সিডনী মহানগরের এ্যাশফীল্ড পার্কে বাংলাদেশের বাইরে পৃথিবীর সর্বপ্রথম আন্তর্জাতিক মাতৃভাষা দিবস স্মৃতিসৌধ নির্মাণে সক্রিয় উদ্যোগ গ্রহন ও বাস্তবায়নে নির্মল পালের অবদান, সকল মাতৃভাষা সংরক্ষনে জনমত সৃষ্টিতে সকল ভাষাভাষির মধ্যে ধারাবাহিকভাবে দীর্ঘ প্রসারী কাজ করার প্রতিশ্রুতিশীল কর্মসূচী গ্রহন করা, এন. এস. ডব্লিউ সংসদ ভবনে সমন্বিতভাবে দিওয়ালী (কালী পূজা) উদযাপনে সক্রিয় অবদান ও বাংলাদেশ সোসাইটি ফর পূজা এন্ড কালচার (বি.এস.পি.সি #১) এর জন্মলগ্ন থেকে সংগঠনের উত্তরণ ও কল্যানমূলক কাজে নিরলসভাবে তার অবদানের জন্যে রাজ্য সরকারের পক্ষ থেকে তাকে এই সম্মানে ভূষিত করা হয়েছে। উল্লেখ্য এ অবধি আর কোন বাংলাদেশী সমাজসেবী রাজ্য সরকার কর্তৃক স্বীকৃত বা লিখিতভাবে সম্মানিত হননি।

কর্ণফুলী রিপোর্ট, ১৬/০১/২০১০